

SO WHAT *What is the relevance of the Word to my life?*

- Anong kapanatagan ang naibibigay sa iyo ng katotohanang ang Diyos ay banal at alam Niya ang Kanyang ginagawa sa lahat ng oras?
- Dahil alam mong ang Diyos ay makapangyarihan, banal, at makatarungan, ano ang palagay mo sa paglalapit ng iyong pangangailangan sa Diyos (Filipos 4:6)?
- Mabuti kapag nasunod ang ating mga plano sa ating panahon ngunit mas ganap at mabuti pa rin ang kapanahunan ng Diyos. Ano ang palagay mo rito?

NOW WHAT *How do I apply the Word to my life?*

- Tinuturo ng Habakuk 1:5 si Jesus, ang ating banal na Diyos na nagligtas sa atin sa kasalanan at kamatayan. Papaano gumagalaw ang Kanyang kaligtasan sa iyong buhay? Kausapin ang iyong *group leader* tungkol dito.
- Papaano ka mananalangin ayon sa kalooban ng Diyos? Sinu-sino sa iyong simbahan ang makakatulong sa iyo rito?
- Anong mga pangako ang pinanghahawakan mo habang naghihintay sa sagot ng Diyos sa iyong dalangin? Papaano mo matutulungan ang ibang naghihitay rin sa Diyos na lalo pang lumakas ang kanilang pananampalataya sa Kanya?

PRAYER

- Manalanging bigyan ka ng Banal na Espiritu ng lumalagong pagkilala sa Diyos habang binabasa mo ang Kanyang Salita.
- Maglaan ng panahon upang idalangin ang mga pangangailangan ng bawat isa sa inyong grupo. Sama-samang magdasal na masunod ang kalooban ng Diyos sa inyong mga pinagdadaanan.
- Humiling sa Diyos ng kalakasan, pagtatiyaga, at pag-asa habang hinihintay mong maisagawa ang layunin ng Diyos sa iyong pinagdadaanan. Maniwala para sa katagumpayan at pabor.



VICTORY

Honor God. Make Disciples.

Karapatang Pag-aari © 2011
Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.
Ito ay hini pinagbibili.
victory.org.ph

FILIPINO

WHEN
G O D
DOESN'T
MAKE
SENSE

Kapag Hindi ko Naiintindihan

Week 1

NOTES

This image shows a single page of white paper with horizontal blue or grey ruling lines. The lines are evenly spaced and run across the width of the page. There are approximately 20 lines visible. On the left side, there is a vertical margin line, creating a narrow left margin. The paper appears to be from a notebook or a standard ruled document.

CONNECT

- Alalahanin ang panahong may gusto kang mangyari ngunit hindi ito natuloy. Ano ang iyong naramdaman?
- May panahon bang pakiramdam mo ay wala kang magagawa? Anong nangyari? Ano ang iyong naging tugon at ano ang naging kalabasan nito?
- Noong bata ka pa, sa anong mga dahilan ka dinidisciplina ng iyong mga magulang? Papaano nila ito ginawa?

WORD

²Sinabi ni Habakuk, “Panginoon, hanggang kailan po ako hihingi ng tulong sa inyo bago n’yo ako sagutin? Kailan pa po ba ninyo kami ililigtas sa mga karahasang ito? ³Bakit po ninyo ipinapakita sa akin ang mga kasamaan at kaguluhan? Kahit saan ay nakikita ko ang pagpapatayan, karahasan, hidwaan, at pagtatalo. . . . ⁵Sumagot ang Diyos, “Tingnan ninyong mabuti ang mga nangyayari sa mga bansa at talagang magtataka kayo sa inyong makikita. Sapagkat may gagawin ako sa inyong kapanahunan na hindi kayo maniniwala kahit may magbabalita pa nito sa inyo.

Habakuk 1:2,3,5

WHAT

What does the Bible say?

Si Habakuk ay propeta ng Diyos na nasaksihan ang paghihirap ng kanyang bayan. Sa pagsaksi niya sa karahasang matagal ng nangyayari sa kanyang paligid, nagsimula siyang magtanong at magduda sa Diyos. Ngunit sinagot ng Diyos si Habakuk sa paraang kinailangan niyang lalong magtiwala sa Kanya. Ano ang matututunan natin sa naging tugon ni Habakuk?

- **Maging panatag sa katauhan ang Diyos.**

Sinasabi ni Habakuk, “O Panginoon, kayo ay Diyos mula pa noon. Kayo ang aking Diyos, ang banal na Diyos na walang kamatayan. O Panginoon, ang Batong kanlungan, pinili n’yo ang mga taga-Babilonia upang parusahan kami.”

Habakuk 1:12

Siguro’y nauunawaan ng lubos ni Habakuk ang sinapit ng kanyang bayan. At parang walang ginagawa ang Diyos upang lunasan ito. Ngunit pinaalalahanan ni Habakuk ang sarili kung gaano kadakila ang Diyos, kung papaanong alam Niya ang Kanyang ginagawa, at ang mga pangakong binigay Niya sa Kanyang bayan. Kapag may kahirapang nararanasan, anong mga katangian ng Diyos ang iyong maaasahan? Paano ka natutulungan nitong patuloy na manampalataya?

- **Lumapit sa Diyos at tanungin Siya.**

Kayo ay banal kaya hindi n’yo matitiis na tingnan ang kasamaan at kaguluhan. Pero bakit n’yo hinahayaan ang mga traydor na taga-Babilonia? Bakit n’yo hinahayaang pagmalupitan ang mga taong hindi nila kasinsama?

Habakuk 1:13

Sa kanyang lubos na paniniwala sa pagkatao ng Diyos, mapagkumbabang tinanong ni Habakuk ang Diyos kung ano na ang susunod na mangyayari. Kagustuhan ng Diyos na makipag-usap tayo sa Kanya (Jeremias 33:3) at ang dapat nating tugon ay pagtitiwala at kagustuhang maisagawa ang Kanyang kalooban. Kapag nagtatanong ka sa Diyos, ano ang iyong napagtatanto (Isaias 55:9)?

- **Hintayin ang tugon ng Diyos.**

Sinabi ni Habakuk, “Aakyat ako sa tore, sa aking bantayan at hihintayin ko kung ano ang sasabihin sa akin ng Panginoon at kung ano ang kanyang sagot sa aking hinaing.”

Habakuk 2:1

. . . ngunit ang mga nagtitiwala sa Panginoon ay muling magkakaroon ng lakas. Lilipad sila na gaya ng isang agila. Tumakbo man sila’y hindi mapapagod. Lumakad ma’y, hindi manghihina.

Isaias 40:31

Mula sa pag-aalala at pagdududa, mapanalanging nagbantay si Habakuk sa tugon ng Diyos sa kanyang mga hinaing. Naghintay siya kahit gaano man ito katagal dahil nagtiwala siya sa kapangyarihan at kabutihan ng Diyos. Maraming pangako ang Diyos sa atin sa Kanyang Salita tulad ng Roma 8:28. Papaano nito napapalakas ang iyong tiwala sa Kanya?